

Кизн туттар дьоммут — биир дойдулаахтарбыт

Ааспыт сый сэтинньи 24 күнүгэр «Саха сирэ» хаһыакка Н.М. Рыкунов аатынан киин библиотека уонна И.Е. Винокуров аатынан Хатыг Арыытааһы краеведческой музей тэрийиэлэринэн саха норуотун кизн туттар чулуу уола, государственнай, политической деятель Илья Егорович Винокуров төрөөбүтэ 115 сылыгар аналлаах конкурс-викторина ымытылынна.

И.Е. ВИНОКУРОВКА АНАПЛААХ ВИКТОРИНА ТҮМҮГЭ

Манна республика уонтан тахса улуустан уолсыйа 34 эппиэт киирдэ. Дьүүлүлүүр сүбэ ордук биһиги ара саастаах дьоммут, үлэ, тыыл ветераннара И.Е. Винокуровка сүгүрүйэн, махтанан туран, баай ис хоһоонноох эппиэттэри ыппыттарыттан олус үөрдүбүт, долгуйдубут. Ол курдук, Майаттан Аграфена Ивановна, Семен Васильевич Эверстовтарга, Сунтаартан Семен Максимович Филипповка, Нам Салбангыттан Февронья Дмитриевна Ушницкая, Хангалас Сиинэтиттан Вячеслав Иванович Лукинга, Горнай улуустун Дьиикимдэ нэһилиэгиттэн Николай Николаевич Ойиповка, Ньурбаттан Аким Осипович Акимовка истин махталбытын тиздэбит. Ытык дьоммут Илья Егоровичка анаан бу курдук үрдүк күүрүүлээх тыллары анаабыттар:

Осипов Николай Николаевич, Горнай, Дьиикимдэ:

— Илья Егорович сахатын норуотугар онорбут үтүөтэ хаһанда умнуллуу суоҕа, саха тыллаах баары тухары өйдүү-саныы сылдьахпыт.

Аким Осипович Акимов, Ньурба:

— Батараактан Саха сириг бастыг салайааччытыгар тийэ үүммүт тулхадыйбат көнө сүрүннээх И.Е. Винокуров олоҕо сырдатыллар, аата үйэтигиллэр. Ордук кизг далааһыннаахтык кини дойдутугар, Намга ытыллар үлэлэр астыннараллар. И.Е. Винокуровка анаммыт өйөбүннүк киин куоралпытыгар баар буоларыгар баҕа санаалаахпын, эрэллээхпин.

Эверстовтар дьиз кэргэн, Мэҥэ-Хангалас, Майа:

— И.Е. Винокуров үтүө, сырдик аата-суола, бары үлэтэ-хамнаһа бүтүн саха норуотун кизн туттууга, албаннаах аата! Үтүө киһи аата үтүс үйэлэргэ умнуллубатын!

Ону таһынан оскуола үөрэнээччилэрэ эмиэ актымынай кыттыһы ыллылар. Ордук элбэх эппиэт Нам улуустаагы гимназияттан уонна 2 Хомустаах орто оскуолатыттан киирдэ. Майа гимназиятын төрүт культураҕа учуутала Слободчикова Тамара Егоровна «Саха саарынара, албан ааттаахтара» диэн бырайыагынан үөрэнээччилэригэр саха чулуу дьонун олохторун, үлэлэрин сырдатар, үөрэтэр уруоктары ытарын туһунан суруйбут уонна бу викторинаҕа кыттыбыт 8 кылаас оҕолоро элбэҕи аахпыт-

тарын, билбэттэрин бэлиэтээбит. Викторинаҕа ыччат, студеннар болгомто ууран кыттыбатахтара хомолтолоох.

Викторина кыттыылаахтара баһыйар үгүстэрэ сөптөөх эппиэттэри ыппыттар. Онон түмүгү таһаарыыга ис хоһооннорун, толору эппиэттэрин учуоттаатыбыт.

Кыйыылаахтары кытта билсин:

1 мизстэ — Аграфена Ивановна, Семен Васильевич Эверстовтар, Мэҥэ-Хангалас, Майа сэл.

2 мизстэ — Февронья Дми-

триевна Ушницкая, Нам, Салбан нэһилиэгэ.

3 мизстэ — Елена Тимофеевна Васильева, Мэҥэ-Хангалас, Бүтэйдээх.

Анал номинациялар:

Надежда Ивановна Тарасова, Дьоккуускай к. — «Саамай бастагы эппиэт».

Семен Максимович Филиппов, Сунтаар сэл. — «Ытык саастаах кыттааччы».

Наташа Никифорова, Нам. Хатыг Арыы орто оскуолаты — «Биир дойдулааҕа».

Антонина Павловна Меркурьева, Сунтаар, Куокуну — «Бэриинилээх кыттааччы».

Кристина Степанова, Бүлүү, Кыргыдай — «Кэскиллээх кыттааччы».

Айыына, Анна Владимировна Ивановалар, Горнай, Бэрдигастээх — «Дьиз кэргэнинэн кыттыһыһын».

Биһирэбил:

Любовь Евтропьевна Охлопкова, Нам, Хамаҕатта сэл.

Вячеслав Иванович Лукин, Хангалас, Сиинэ сэл.

Аким Осипович Акимов, Ньурба к.

Викторина кыйыылаахтарыгар бириистэри туруорбут уонна көмөлөспүт дьоммутугар дириг махталбытын тиздэбит: И.Е. Винокуров уолугар Валерий Ильич Винокуровка, Хатыг Арыы нэһилиэгин баһылыгар Слепцов Юрий Иннокентьевичка, И.Е. Винокуров аатынан Хатыг Арыы орто оскуолатын директорыгар Ноговицын Дмитрий Ивановичка, И.Е. Винокуров аатынан Намнааһы технология уонна дизайн педколледжин директорыгар Ядреева Екатерина Владимировнаҕа, Намнааһы кыраайы үөрэтэр общество председателигэр, Нам улуустун Ытык киһитигэр Кривошапкин Иннокентий Захаровичка, М.К. Аммосов аатынан Саха республикатын государственноһун музейин директорыгар Кириллин Александр Васильевичка.

«Саха сирэ» хаһыат 2011 с. ахсынньы 30 күнүгэр тахсыбыт суруйааччы С.Я. Яковлев-Эрилик Эристин төрөөбүтэ 120 сылыгар анаммыт викторинаҕа улууспут олохтоохторун көхтөөхтүк кытаргытыгар ынырабыт.

РА. ГОГОЛЕВА,
Н. Рыкунов аатынан библиотэка
информационнай-методической
отделын сэбиэдиссэйэ